

Apeqquteqaat aallaavigalugu oqallisissiaq Kalaallit Nunaanni meeqqanik perorsaaneq pitsaasoq sunaanersoq pillugu aammalu partiit meeqqanut perorsaanitsialak qanoq paasineraat?

(Inatsisartunut ilaasortaq Andreas Uldum, Demokraatit)

Akissuteqaat

(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

Oqaallisissatut siunnersuutigineqartoq partiit ataasiakkaat qanoq isumaqarnerannut tunngatinneqaraluartoq aamma Naalakkersuisuniit isummersuutunik pingaaruteqarsorisatsinnik apuusserusuppugut.

Siullermik erseqqissaatigerusuppara isumaqaratta meeqqanik perorsaaneq pitsaasoq sunaanersoq naalakkersuinikkut aalajangersaavigineqarsinnaanngitsoq, imatut paasillugu naalakkersuinikkut qanorluunniit isumaqaraluaanniluunniit perorsaasutut angajoqqaatullu kiffaanngissuseqartugut, perorsaariaaserput nammineerluta akisussaaffigissallugu aammalu qanorluunniit isiginneriaaseqaraluarutta inuttut tamatta katersuuffigisinnaasatsinnik tunngaveqartariaqartugut.

Taamaammat Andreas Uldum-ip oqallisissiaa inuiaqatigiinni kalaallini oqallisigineqartunik pingartinneqartunillu arlalinnik kalluaavoq. Naalakkersuisuni isumaqarpugut meeqqat atugaannut tunngasut aammalu inuiaqatigiittut naleqartitavut oqallinnermi uani qitiutittariaqartut.

Angerlarsimaffimmi allaniluunniit pisortat ingerlataanni perorsaaneq tamarmi tunngaveqassaaq, meeraq kinaluunniit taannarpiaanini pissutigalugu immikkut naleqartitaasoq, kinaluunniit meeraq inunngortitaasimasoq kissaatigineqarluni asaneqartussaallunilu, inuiaqatigiinnilu innuttaaqataasus-satut ataqqineqarluni inuussasoq.

Inuiaqatigiittut naleqartitavut ataatsimoorfigisinnaasagullu inuunermik inoqatinillu isiginneriaaseqarnermik tunngaveqartariaqarput.

Inuunerup erlinnarluinnassusianik allamillu taarserneqarsinnaannginneranik aallaaveqarpugut.

Inoqativut tamaasa naligisutut isigalugillu inuttut ataqqissagigut soorlu aamma inersimasup meeraq ataqqissagaa, inniminnigissagaa pisinnaatitaaffiilu innarlissanagit. Tassunga ilanngullugu arnat angutillu naligiillutik inuussasut, ammip qalipaataa allaluunniit assigiingissutsit tunngavigalugit immikkoortitsisoqqassanngitsoq, meeqqat oqarsinnaatitaallutillu oqaasissaqartitaassasut.

Perorsaanitta perorsaaqatigiinnittalu siunertarisariaqarpaat inuiaqatigiinni innuttaaqataalluartutut inooqataanissaq, timikkullu tarnikkullu peqqissuujumallunilu inooriaaseqarnissaq.

Angajoqqaat soorunami amerlanertigut meeqqat perorsarneqarneranni pingaarnerpaamik akisussaaffeqartutut isigineqartarput, taamaakkaluartorli aamma pisortat pingaarutilimmik akisussaaffeqartarput meeqqat aqqusaartagaat, soorlu meeqqueriviit, taakkunani sulisut, atuarfiit, ilinniartitsisut allatigullu pisortanit atugassarititaasut eqqarsaatigalugit.

Ukiut ingerlanerini perorsaanermut akisussaaffitta ilaata pisortat ingerlataannut annertusiartortumik tunniukkiaartuaarsimavarput. Tamanna inuiaqatigiinni nutartertuartuni takornartaanngilaq kisianni

qanga perorsaariaatsip iluatsinnartuisa ilaat tassaasorinarput ilaqtariit ataatsimoorlutik meeqqatik perorsassallugit akisussaassuseqartutut misigisimanagerat minnerunngitsumillu aamma innutaaqataasut allat namminneq meerarinnikkaluarlugit allat meeraannut aamma akisussaaffeqartutut misigisimasarnerat.

Pisortat perorsaanermut attuumassuteqartunik akisussaaffeqarnerat eqqaassagaanni meeqperiviit atuarfiillu saniatigut tassaassaaq angajoqqaat allalluunniit meeqqamut akisussaaffeqartut ikiorneqarnissamik ikorfartorneqarnissamilluunniit pisariaqartitsineranni taamaaliornissamut piareersimanis-saq.

Naggataatigut Naalackersuisut sinnerlugit erseqqissatigissavara oqallisissiamut akissuteqaatitsinni pisortanit suliniutissatut piukkunnarsinnaasorpasuit annerusumik eqqartorneqarsinnaagaluardmata, matumanili pingaartikkatigu eqqarsaatersuutaasinnaasunut tunngaviusunut isummersornis-saq.

Andreas Uldum-ip oqaalisissiaa qujarullugu taamatut oqallinnermi tapertaasinnaasunik saqqummi-ussivugut.